

AVISU A SA TZITADINÀNTZIA

Pianu Bonu (Voucher in inglesu) pro sas famìlias cun rèditu bàsciu

(DM MISE 7 de austu de su 2020 – G.U. 243 de su 1 de santugaine de su 2020)

Cun decretu de su 7 de austu de su MISE est operativu a manera definitiva su “**Pianu bonu (voucher) pro famìlias chi ant prus pagu**”, interventu de sustennu a sa dimanda pro garantire sa fruitzione de servìtzios de connessione a internet in banda a prus de larga dae parte de sas famìlias cun ISEE inferiore a sos 20.000,00 èuros.

Pianu Bonu (Voucher) pro sos PC: ite est?

Si reconnoschet unu contributu màssimu de 500 èuros a sas famìlias cun ISEE inferiore a sos 20.000,00 èuros, suta forma de iscontu, subra de su preju de bèndida de sos cànones de connessione a internet in banda a prus de larga pro unu perìodu de a su nessi dòighi meses e, cando presentes, de sos servìtzios relativos de ativazione, e puru pro sa frunidura de sos dispositivos eletrònicos presentes (CPE) e de unu tablet o unu personal computer.

Su contributu – reconnòschidu **pro una borta ebbia pro ogni nùcleu familiare** – est erogadu pro sa frunidura de servìtzios de connetividade de a su nessi *30Mbit/s in download* a sas famìlias chi no ant perunu cuntratu de connetividade, ossiàt chi ant unu cuntratu de connetividade a banda a prus de larga de base, de si intèndere comente inferiore a *30 Mbit/s in download*.

Sos servìtzios de sos cales subra **podent èssere ofertos dae totu sos operadores chi frunint, a cale si siat tìtulu, servìtzios internet subra rete sa banda prus de larga de a su nessi 30 Mbit/s in download.**

Su Pianu Bonu (Voucher) at a àere durada finas a s’acabu de sas resursas, e semper e cando non prus a dae de un’annu dae su cumintzu de s’interventu.

Registraziones operadores

Sos operadores chi intendant ofèrrere sos servìtzios de connetividade **si divent iscrìere in un’elencu apòsitu, moende dae trinta dies dae sa data de operatividade de unu portale telemàticu postu a disposizione dae Infratel Italia S.p.a.**

Comente rechèdere su Bonu

Sa registrazione in su portale Infratel, chi at a èssere ativadu pro sa gestione de sa misura, **at a èssere riservada a sos operadores de telecomunicatziones.**

Sos utentes finales beneficiàrios de su bonu (voucher) s’ant a dèvere cunfrontare a manera dereta cun sos operadores (chi a manera preventiva s’ant a èssere registrados in su portale) imprende sos canales sòlitos de bèndida.

Totu sas informatziones chi pertocant s'atuatzione de sa mesura, in particolare s'elencu de sos operadores acreditados e sas ofertas a sas cales sos beneficiàrios podent aderire, ant a èssere publicadas in sos sites www.infratelitalia.it e bandaultralarga.italia.it.

A sos fines de sa fruitzione de su contribuutu, **su beneficiàriu presentat in cale si siat canale de bèndida fatu disponibile dae sos operadores registrados, rechesta apòsita acumpangiada dae sa còpia de su documentu de identidade pròpia in cursu de balididade e dae una declaratzione sostitutiva**, dada in cunforma a su dpr 445/2000, chi atestat chi su balore de s'ISEE relativu a su nùcleu familiare de su cale si faghet parte non colat sos 20.000,00 èuros e chi sos cumponentes de su matessi nùcleu, pro sa matessi unidade abitativa, no ant giai beneficiadu de su contribuutu.

S'istrutòria pro retzire su Bonu

S'operadore, pro ogni rechesta de contribuutu retzida, insertat in su portale telemàticu postu a dispositzione dae Infratel Italia S.p.a.:

- su còdighe fiscale e sos estremos de su documentu de identidade de su beneficiàriu;
- sa declaratzione relativa a su balore de s'ISEE de su nùcleu pròpiu de appartenèntzia;
- su còdighe identificativu de s'offerta a sa cale su beneficiàriu intendet de aderire;
- sas carateristicas tènicas de su *tablet* o de su *personal computer* inclùdidu;
- còpia de su cuntratu istipuladu cun su beneficiàriu.

S'operadore, una borta ativadu su servìtziu de connessione a internet in s'unidade abitativa de su beneficiàriu, trasmitit pro mèdiu de su portale subra naradu, su verbale de cunsigna firmadu dae su beneficiàriu, dae in ue essat a campu s'ativatzione avènnida de su servìtziu e sa cunsigna avènnida de su *tablet* o de su *personal computer*, e puru su documentu de atestatzione de su livellu de servìtziu mesuradu.

Intro de sessanta dies dae sa retzida de sa documentatzione, Infratel Italia S.p.a. providit a versare in su contu dedicadu de s'operadore sa summa cumplessiva de su contribuutu pro ogni beneficiàriu, francu sa tratenuta de su 5%, a garanzia de s'acumprimentu curretu de sas atividades de erogatzione de su servìtziu.

SU SÌNDIGU

Tradutzione de s'operadora de s'isportellu linguìsticu de Pàdria
Maria Leonarda Correddu